



kat.komp.

12955

II

Mag. St. Dr.


P

(Kuralt): Solylion ad flustrip. ac Pdlip. L. Cajetanum
Kiki. Archiepiscopum Leopoldinum a. 1798

PANEG. et VITAE

Polon. 4.

M. 376



IDYLLION

A D

ILLUSTRISSIMUM AC REVERENDISSIMUM

DOMINUM

CAJETANUM

GOZDAWA DE KITKI

KICKI

129557

ARCHIEPISCOPUM

LEOPOLITANUM

A N N O

MDCCXCVIII. (1798/

VERE INEUNTE SOLEMNITER
INAUGURATUM.



p. autor: Kural + bibliot. Univ.

LEOPOLI, TYPIS PILLERIANIS.

188

— — — — —
εγω μεν αλαδρα παντ αγορευω,
Κουδεν καυχεομαι — — — — —

Theocrit. Idyll. V. Vers. 76. 77.



Bella canant alii nunc, heroasque potentes,
Qui Jovis æthereos imitati vindicis ignes,
Lethiferaque usi nimium feliciter arte
(Proh! animus meminisse horret, lugensque recedit)
Haud pridem alta feris quatiebant moenia dextris:
Templa, domos, sacra magnorum penetralia Regum,
Virgineos coetus, præbentes ubera matres,
Cives per plateas, per diffusa rura colonos,

)

Nubi-

Nubigeris damasque jugis, phocasque sub undis,
Ac totum resonis turbarunt ictibus orbem.
Exosus gladios ego, clangoremque tubarum,
Et quaecunque furens glomerat spectacula Mavors,
Pacis, & umbrosæ teneor dulcedine vallis
Hic, ubi grata mei propter viridaria Mopsi
(Mopsum jam dudum placido videt ore Thalia,
Carmina pangentem plenis recitanda theatri,
Exercere parem glebasve, animosve juventæ,
Si quibus est veri, recti, pulchrique cupido)
Cespitem vernanti patulum præcinctus hiatum,
Fons nitidus, gemmisque magis pellucidus, idem
Quærendusque magis, si mens non læva, perennes
Irrequietus opes, (ah! nos ne fluxius omne
Experiamur opum genus, aut strepitosius ullum)
Cuilibet ante pedes blando cum murmure fundit:
E regia cives studiis ingentibus ægros

Urbe vocat, relevare animos hortatur, amœna
Frigora lassatis, & pocula præbet inempta :
Gramineis somnosve toris jam suadet inire,
Sive graves lymphis mersare salubribus artus.
Hic ego, jam nullas versans sub pectore curas,
Dulcia quassatis fecerunt otia terris
Cum Superi, & longo solvit se patria luctu,
Fronde sub arborea, molli projectus in herba,
Mænaliis ludam calamis, lentusque supinos,
Quos inter rutilum caput alma Leopolis effert,
Pieridasque fovet gremio, mitissime nomen
Cajetane tuum colles resonare docebo.
O felix, placidisque Maro dilecte Camœnis!
Qui cæli quondam atque ævi melioris alumnus,
Sidera dum merito tangebatur vertice Roma,
Tardivagi noto spatians in litore Mincî,
Vel patulæ recubans viridi sub tegmine fagi,

Ita-

Italicos tanta pastores voce canebas,
Ut vicina tuis cupidas arrexit aures
Mantua carminibus: decus o! & gloria gentis
Ausoniæ, vates, quo non divinior alter!
Huc oculos, huc verte tuos a sedibus altis,
Quas prius Octavio, vatum de more, parasti,
Certius ipse tenes, æternis dignior astris!
Tu, precor, incultis concentibus adnue; nec jam,
Sarmaticum quamvis, nostrum tibi sordeat arvom.
En! suus & nostris honor est & gratia campis:
Est Cajetanus. Qui, si formosus Alexis,
Si præmaturo sublatus funere Daphnis,
Pollioque, & Gallus mansuram carmine famam
Obtinuere tuo, dignum se præstat & ipse,
Ut tua eum, quæ nil unquam mortale sonabat,
Ut tua eum celebret festivo tibia versu,
Et pulsæ sublime ferant ad sidera valles.

Est

Est Cajetanus pastor supremus in oris
Galiciis. Fausto supremus ut omine pastor
Cajetane fores, idem simul ardor habebat
Nos omnes; paribus succensi pectora flammis,
Et quos alta tenet stellati regia cæli,
Et quos sublimi prægrandis in arce Vienna
Dat tam præsentis populis cognoscere, Divos
Sic uno cuncti toties sumus ore precati:
O Superi! studium queis Lechica rura tueri,
Hunc oviumque boni date, pastorumque magistrum;
Hic fidus curabit oves, oviumque magistros.
Ipse precum testis fuerat persæpe calentum
Hic fons, & propera veluti mage garrulus unda
Ipse piis sua miscuerat quoque murmura votis.
Hæ testes coryli, salicesque, comamque perunctæ
Alni, quæ placide sociantes brachia fonti
Inducunt tremulas, Zephyris motantibus, umbras.

Tan-

Tantus amor cunctos, desideriumque tenebat
Cajetane tui, quanto, cum Sirius ardet,
Rura vocant riguum late sitientia rorem.
Tantus amor cunctos, desideriumque tenebat
Cajetane tui, quanto, cum nubila pendent,
Et maturescens nimio seges imbre fatiscit,
Consternata rogant lentum magalia Phoebum.
Tu Jovis es pluvii nobis, es Apollinis instar:
Larga fluunt miseris ex te solatia rebus.
Felices! tantum qui te genuere parentes:
Felices! animum qui quondam mollibus annis
Cajetane tuum vigili coluere magistri
Sedulitate; tibi, quæ semita ducat in altum,
Monstrantes, & quod summum sit culmen honorum.
Eheu! longa fuit, præceps, salebrosaque plantis
Percurrenda tuis via. Te nec Carpatus ingens,
Nec qui præruptis vetus insidet Alpibus horror,

Non

Non amnis rapidus, non æquoris unda tumentis
Detinuit; contra velocius ire juvabat,
Et mores hominum, studia & diversa videre.
Aure bibebantur cupida tibi Tibris ad undas
Romulei, longum quæ jam demissa per ævum
Suaviter usque sonant numerosi carmina Flacci;
Dictaque, queis Cicero rapiebat corda Quiritum,
Et Seneca impavidæ docuit virtutis amorem.
Experto rerum tibi, doctarumque potenti
Linguarum, qua Germanus, qua Gallus, & acer
Italus erudiunt alias ex ordine gentes,
Munifico reditum suasit jam patria nutu.
Audieras patriam (quis enim non audiat illam!)
Ad charosque lares, camposque reversus avitos.
Adjunxit reduci comitem Sapientia sese,
Junxerat & Virtus: certissima numina sole
Sub quocunque viris! teque hac in sede locarunt,

)()(

Lon-

Longorum quæ finis erat, quæ meta laborum.
Sume pedum pastor, gemmis auroque coruscum,
Galiciæque diu felix spatiare per arva,
Dulce decus ruris! Tua se vestigia circum
Lætior agnorum tollet balatus in auras,
Mollior in pratis assurget graminis herba,
Uberiore natans flavescet campus arista,
Mitius alticoma pendebit in arbore pomum.
Ipse tibi Boreas immitem contrahet alam
Horrissonus, fugiet Boreæ truculentior iris
Errorum nubes, turpi caligine mentes
Quæ tegit humanas, cæcasque per avia torquet.
Coram te fugient & opum malesuada cupido,
Et dolus, & densis fraus intricata tenebris,
Et quodcunque genus vitii mortalibus auget,
Quem non ipsa dedit numerum natura malorum.
Sume pedum, felixque diu spatiare per arva

Gali-

Galiciae: dictis animos rege, pectora mulce,
Infero virtutes; & sic mortalibus auge
Hunc, quem parca negat numerum natura bonorum.
Errant mille tibi per florea prata juvencae,
Squamigerum pecus exultat per stagna, feracis
Jugera mille soli pressis versantur aratris,
Et veteres jactant umbrosa cacumina sylvae.
Est tibi magna quidem rerum, quas postulat usus,
Copia; sed tanto tamen impar copia cordi!
Vix par largifluae, promptaeque ad munera dextrae.
Sume pedum, felixque diu spatiare per arva
Cajetane, satis jam te lustrante beata.
At vos, spes patriae! pueri teneraeque puellae,
Spargite humum, quocunque feret vestigia pastor
(Supremus meruit fieri sibi talia pastor)
Spargite humum foliis, & lectos undique flores,
Quos nunc vere novo levis educat aura Favoni,

In

In blandas charo capiti vincite coronas.
Tuque meos inter notissime, Mopse, sodales,
Qui cunctis semper meritis es præco paratus,
Hæc mea dum raucum modulatur carmen arundo,
Selige, quæ nemoris soboles pulcherrima, fagum,
Et Cajetani describe in cortice laudes,
Scribendo potior! Felici germine fagus,
Et Cajetani se tollet ad æthera nomen.



Biblioteka Jagiellońska



stdr0026914

